

## 2005eko abendua Txapelketa Nagusia

### I

Galdera bada egun hartatik  
zer azpimarra daitekeen  
han ikusia kontatuko dut  
ez ipini eta ez ken.  
Hamairu mila bertso entzulek  
goza genuena BECen  
bertsoa maite duen batentzat  
hoberik ezin zitekeen.



DANI BLANCO

### IV

Andoni azti, Maialen sakon,  
Arzallusen bertso fina,  
Unai pikaro, Elortza txorrotx  
Maia, berriz, huts ezina!  
Colina txukun, ta Mendiluze  
bertso egiteko makina.  
Zortzi izarrek eskaini zuten  
ikuskizunik haundina.

### II

Ez zen euskaldun zahar edo berri  
euskaraz ez zekienik.  
Ez dut esango denek bertsoa  
sakon hausnartzen zutenik,  
baina bertsoek eta txaloeak  
ez zuten izan etenik.  
Herri zahar honen arima bertan  
zela esango nuke nik.

### V

Nahiz ta aurkari gogorrak izan  
ziren bere inguruan,  
beste orri bat han idatzi zen  
Andoniren liburuan.  
Beste behin ere txapela jarritz  
oso leku seguruan  
ile gutxi ta bertute asko  
berekin ditun buruan.


### III

Goiz ta arratsalde gozatu ziren  
gure begi-belarriak  
han bat-batean jaulki zirenak  
hain ziren arrigarriak!  
Gozamen hartan nahasten ziren  
malkoak eta irriak...  
Oraindik ere gauza politikak  
badauzka Euskal Herriak.

### VI

Apustuzale omen dugunez  
euskaldunen izakera  
nahikoa luze gertatu zaigu  
azken lau urteko kera  
baina berriro aurten dugunez  
gozatutzeko aukera:  
abendua hamairuan da,  
etorri denok BECera!

**DOINUA:** "Aita jainkoak egin banindu".



Bidali zure sortak [bertsoak@argia.com](mailto:bertsoak@argia.com) helbidera. Aukeratuak orri honetan argitaratuko ditugu.